

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-1050-2/18
Datum: 07.05.2018. godine

**OPĆINSKO VIJEĆE
O V D J E**

PREDMET: Odgovor na vijećničko pitanje, d o s t a v l j a s e , -

Na 17.sjednici Općinskog vijeća Tešanj koja je održana 06.04.2018. godine vijećnik Vedran Kaser je postavio slijedeće vijećničko pitanje:


"Da li je tačno da "Toplana" d.d. Tešanj naplaćuje nekakvu vrstu paušala vlasnicima u stambenim jedinicama u stambenim zgradama koje imaju uredno odjavljeno grijanje".


ODGOVOR

U cilju obezbjeđenja odgovora na postavljeno pitanje Služba za finansije, privredu, komunalne i inspeksijske poslove Općine Tešanj zatražila je izjašnjenje "Toplana" d.d. Tešanj.


U prilogu Vam dostavljamo tražene informacije koje su u skladu sa važećom Odlukom o zagrijavanju Tešnja daljinskim grijanjem i Uslovima za isporuku i preuzimanje toplotne energije, (Službeni glasnik Općine Tešanj, broj 5/06,04/12), kojom su regulisana pitanja korištenja toplotne energije.

OBRADIVAČ
Služba za finansije, privredu i inspekcije


Hamzaliya Hojkurić, dipl.oec.



OPĆINSKI NAČELNIK


Mr. sci. Suad Huskic



JP TOPLANA DD TEŠANJ
PROIZVODNJA I PROMET TOPLOTNE ENERGIJE
BUKVA b.b. 74260 TEŠANJ

TUV NORD

Općina Tešanj
Općinsko vijeće

Broj: 120-05/18
Datum: 04.05.2018.

PREDMET: Odgovor na vijećničko pitanje Vedrana Kasera

Na Vaš dopis broj 01-05-6-1050/18 od 20.04.2018. godine, dostavljamo odgovor na pitanje koje je na 17.sjednici Općinskog vijeća Tešanj održanoj 06.04.2018. godine postavio vijećnik Kaser Vedran, a koje glasi: "Da li je tačno da toplana d.d. Tešanj naplaćuje nekakvu vrstu paušala vlasnicima u stambenim jedinicama u stambenim zgradama koje imaju uredno objavljeno grijanje".

JP Toplana d.d. je javno preduzeće čiji je osnivač i većinski vlasnik Općina Tešanj. Odnosi između preduzeća JP TOPLANA d.d kao **isporučioaca toplotne energije** i na drugoj strani **korisnika- potrošača** su regulisani općinskom Odlukom o zagrijavanju Tešnja daljinskim grijanjem i Uslovima za isporuku i preuzimanje toplotne energije, (Službeni glasnik Općine Tešanj, broj 5/06,04/12), koji su obavezujući dokumenti za sve učesnike u proizvodnji, distribuciji i potrošnji toplotne energije.

U članu 17. Uslova za isporuku i preuzimanje toplotne energije navedeno je:

- (1) Potrošač je dužan da preuzme ugovorene količine toplotne energije osim u slučaju privremenog ili trajnog odustajanja od obaveza preuzimanja toplotne energije.
- (2) PRIVREMENO odustajanje od preuzimanja toplotne energije (privremeno isključenje) odobrava se zbog:
 - nepredviđenih događaja u prostorijama potrošača -- viša sila (požar, eksplozije, poplava i sl.),
 - većih radova na kućnim instalacijama,
 - preuređenje ili proširenje kućnih instalacija,
 - pismene saglasnosti od Proizvođača energije,
 - na lični zahtjev potrošača (ne boravi u stanu duži period, nije u mogućnosti da plati, i sl.).
- (3) **Za vrijeme privremenog prestanka preuzimanja toplotne energije potrošač je obavezan da plaća Distributeru na ime angažovane toplotne energije za grijanje stambenog prostora potrošača paušal u iznosu od 20 % cijene grijanja, izuzev u slučaju više sile.**
- (4) TRAJNO odustajanje od preuzimanja toplotne energije (trajno isključenje) odobrava Isporučilac isključivo za cijeli objekat (energetsku cjelinu).
- (5) Pod energetskom cjelinom smatra se: sprat porodične kuće sa više spratova u kojoj su spratovi fizički odvojeni i imaju odvojene instalacije grijanja, odvojeni poslovni i proizvodni prostori koji se ne nalaze u zajedničkim objektima i koji imaju odvojene instalacije grijanja.
- (6) Dijelovi objekta ili stanovi koji ne čine zasebnu cjelinu ne mogu se trajno isključivati iz sistema grijanja izuzev kada se obezbjedi saglasnost Isporučioca.
- (7) Kod ponovog priključenja potrošača koji su TRAJNO ISKLJUČENI, isti moraju obezbjediti saglasnost isporučioaca i moraju platiti puni iznos na ime naknade za angažovanu snagu – kapacitet u uslovima kada se plaća naknada za angažovanu snagu. Troškove privremenog i trajnog isključenja i priključenja snosi potrošač.
- (8) Pod trajnim isključenjem smatraće se svako isključenje ili odostajanje od isporuke toplotne energije duže od jedne godine.


- Iz ovoga proizilazi i odgovor na vijećničko pitanje, a vezano je za stav(3), odnosno kada se steknu uslovi za privremeni prestanak preuzimanja toplotne energije potrošač je obavezan da plaća Distributeru na ime angažovane toplotne energije za grijanje stambenog prostora potrošača paušal u iznosu od 20 % cijene grijanja, izuzev u slučaju više sile.

S poštovanjem,



Direktor

Asim Bašalić, dipl. ecc.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-952 -3/18

Datum: 03.05.2018.godine

OPĆINSKO VIJEĆE

PREDMET: Odgovor na vijećničko pitanje, dostavlja se,-

Dana 13.04.2018.godine vijećnik Jupić Mirano, Općinskom vijeću Tešanj dostavio je vijećničko pitanje koje se odnosi na dostavljanje informacije za zapošljavanje u JU Dom zdravlja Tešanj za period od 2015. do 2018.godine.

Odgovor:

Direktor JZU Dom zdravlja Tešanj je dostavio informaciju vezano za zapošljavanje u JZU Dom zdravlja Tešanj za period od 2015. do 2018.godine, koja je u prilogu odgovora.

Dostavljeno:

1. Naslov
2. Arhiva



OPĆINSKI NAČELNIK

Suad Huskić
Mr.Sci. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
JZU DOM ZDRAVLJA
" IZUDIN MULABEĆIROVIĆ – IZO "
TEŠANJ

01-05-6-352

18
1/18

Broj: 1668/18
Dana 27.04.2018.

OPĆINA TEŠANJ
OPĆINSKI NAČELNIK
T E Š A N J

27. 4. 2018

PREDMET: odgovor na vijećničko pitanje

U vezi vijećničkog pitanja vijećnika Općinskog vijeća Tešanj Jupić Mirana koje se odnosi na dostavljanje informacije za zapošljavanje u JU DZ Tešanj za period 2015. do 2018.godine, dajemo sljedeću informaciju:


Zapošljavanje u JZU Domu zdravlja Tešanj provodi se u skladu sa Zakonom o radu (Sl. Novine FBiH broj 26/16). U skladu sa članom 17. Zakona o zaštiti ličnih podataka (Sl. Glasnik BH broj 49/06, 76/11 89/11) ne možemo dostaviti podatke koji se odnose na lične podatke radnika (ime i prezime).

Glavna karakteristike zapošljavanja su:

1. U toku 2015.godine zaposleno je 31 radnik po osnovu ugovora o radu na određeno vrijeme u vremenu od 2-3 mjesec radi zamjene radnika u odsustvu ili povećanog obima posla (od toga 11 spremačica, 13 med.sestara, 3 fizioterapeuta, 4 doktora medicine, 1 administrativni radnik VSS)
2. U toku 2016.godine zaključeno je ukupno 37 ugovora o radu na određeno vrijeme u trajanju dva ili više mjeseci (5 doktora, 22 med.sestre, 11 NK radnika za poslove čišćenja i loženja).
3. U toku 2017.godine zaključeno je ukupno 39 ugovora o radu na određeno vrijeme u trajanju dva ili više mjeseci (12 doktora, 14 med.sestara, 13 NK radnika za poslove čišćenja i loženja).
4. Zaključivanjem ugovora na određeno vrijeme daje se prilika većem broju nezaposlenih osoba da steknu radno iskustvo a menadžmentu Doma zdravlja omogućava odabir kadrova prema ostvarenim rezultatima rada i pokazanim vještinama.
5. Izbor kandidata se vršio na osnovu javnih poziva Zavoda za zapošljavanje i podnešenih ličnih zahtjeva za zapošljavanje.

DIREKTOR

Prim.dr.Mudrov Hidajet
spec.pneumoftizilog



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-953 -3/18

Datum: 03.05.2018.godine

OPĆINSKO VIJEĆE

Predmet: Mišljenje na vijećničku inicijativu, dostavlja se.-

Dana 13.04.2018.godine vijećnik Jupić Mirano je Općinskom vijeću Tešanj dostavio vijećničku inicijativu koja glasi:



„Iniciram da menadžment JU Dom zdravlja Tešanj sagleda mogućnost uvođenja skraćenog radnog vremena u područnim ambulantama Doma zdravlja vikendom.“

Na dostavljenu vijećničku inicijativu dajemo slijedeće mišljenje:

Inicijativa nije prihvatljiva iz razloga što se rad JZU Dom zdravlja Tešanj odvija 5 dana u sedmici izuzev Službe hitne medicinske pomoći koja je organizovana za rad 24 sata, te se na bazi ovakvog radnog vremena vrši finansiranje zdravstvene zaštite od strane Zavoda zdravstvenog osiguranja Zenica. Organizovanje rada područnih ambulanti vikendom zahtijevalo bi dodatna materijalna izdvajanja i obezbjeđenje kadrova, prije svega doktora, čime Dom zdravlja ne raspolaže.

Dostavljeno:

1. Naslov
2. Arhiva


OPĆINSKI NAČELNIK

Mr.Sci. Suad Huskić